

乾

象

通

鑑

乾象通鑑卷第八十九

河間府免解進士臣李 李奉

聖旨編

西方雜座統論上

策星論

王良星論

天厩星論

傳舍星論

天倉星論

天潤星論

外屏星論

土司空星論

閣道星論

天將軍星論

軍南門論

左右更論

鉄鑽星論

大陵星論

積尸星論

天船星論

積水星論

策星論

策星統占

月五星犯策星

客星犯策星

彗孛犯策星

流星犯策星

雲氣犯策星

策星統占

天文別錄曰策一星在王良北入奎一度主僕廨

甘德占曰策一星在王良前天子僕移動則兵行於野

天文志曰王良前一星曰策星王良之御策也主天子僕在王良旁若移在馬後是謂策馬車騎滿野古今星釋曰策星乃天子僕廝星小明而黃潤則車駕安天子寧明大出四怒角則鑿與有憂左右賤臣有陰謀星踈圻則天子左右有陰謀僕御有離心星就聚則僕御專恣矯制星移徙有暴兵移居馬後則車騎滿野

月五星犯策星

天文別錄曰月犯策星則天子僕廝有陰謀月暈三重至七重則僕廝犯上有逆謀

古今星釋曰歲星犯策星左右賤臣作亂焚惑干犯
策星賤臣竊主柄太白犯之賤臣以兵叛主辰星
犯之賤臣以事坐誅鎮星犯之則車騎徧天下

客星犯策星

天文別錄曰客星入犯策星天子僕廝通外姦有匿
謀守之五十日以上有兵喪

大象旁通曰客星乘策星則國有兵變一曰暴兵至
彗孛犯策星

天文別錄曰彗星掃策星天子有憂一曰有大兵喪
彗出策星旁僕廝有變謀及天子

古今星釋曰星字彗星天子僕以兵叛主一曰圓棄祀
流星犯彗星

大彗旁通曰流星出彗星天子僕御以罪見逐一曰
下犯上賤臣逆主

河圖遺書曰流星抵觸彗星則賤臣爭權以兵相戮
一曰有內變

雲氣犯彗星

天文別錄曰黑雲氣入彗星賤臣起兵作亂國有憂
白氣入之則僕御有離心一曰有兵變青赤氣入
之有亂內黃氣入之則賤臣受天子賞

王良星論

王良星統占

月五星犯王良

客星犯王良

彗孛犯王良

流星犯王良

雲氣犯王良

王良星統占

天文別錄曰王良五星在東壁北河中其西觜星入壁六度主天子御官

天中曰王良五星赤在奎北河中天子奉車御之官星動則兵滿野客星守之津梁不通金火守之有

兵變

天文志曰在奎北五星曰王良居河中奉車官也其四星曰天駟旁一星曰王良亦曰天馬其星動爲策馬車騎滿野亦曰王良爲天橋主御風雨水道或占津梁其星移有兵亦曰馬病客星守之橋梁不通

河圖遠書曰王良爲天子御官主奉御之職星傳爲王良亦曰主橋梁閔津之事二者星家常以爲疑未敢擬議休咎據唐一行同異占曰古者名星亦各有說以其星近天駟則爲天子奉御之官故曰王良以其星在河中主橋梁之事故曰王良以其

星在河中主橋梁之事故曰王梁名雖不同各有
做當星過天駟則天子奉御有匿謀一日車駕有
虞星移出河中則天子閱梁不通車騎滿野有急
兵二者各因其星變而命其休咎

月五星犯王良

天文別錄曰月犯王良奄星不見天子奉御于特政
一曰賤臣矯制月暈天駟及王良天子車駕有虞
天子不安

古今星釋曰歲星犯王良則賤臣為亂有兵變熒惑
犯之則臣下犯上一曰車駕有大災太白犯之有

暴兵入天子庭一日內亂

客星犯王良

天文別錄曰客星抵觸王良天下閔津不通兵車寇
畿甸天子憂兵

大彗旁通曰客星出王良旁入抵紫宮王者惡之一
曰有死君亦曰白衣會

漢黃龍元年三月客星居王良東北可九赤長丈餘
西指閣道間至紫宮占曰王者惡之其年十二月
宮車宴駕

彗孛犯王良

天文別錄曰彗宇星出王良旁則天子有更王傳曰
彗除舊實新天子惡之一曰爲兵長星宇王良爲
白衣之會亦爲變故

晉咸熙二年五月彗星見王良長丈餘色白東南指
積十二日滅占曰王良天子御駟彗星指之禪代
之表除舊布新之象也白色爲喪王良在東壁宿
又并州之分野三月皇太后王氏崩十二月武帝
受魏禪

流星犯王良

天文別錄曰流星抵王良天子不安奉御有虞亦曰

有內變

古今星釋曰流星出王良天子車駕動一曰人君出
狩亦主兵

雲氣犯王良

天文別錄曰黑雲氣入王良則有內亂天子不安王
庭亦曰宗廟有虞白氣入之大兵起赤烏火災黃
氣爲奉御受賞賜

天廡星論

天廡星星統占

月五星犯天廡

客星犯天廡

彗孛犯天廡

流星犯天廐

雲氣犯天廐

天廐星統占

天文別錄曰天廐一十星在壁北其四星入壁九度

主天馬廐

巫咸占曰天廐十星黃在壁北主天馬廐今之驛舍
郵傳也星暗不見則道路不通明動多郵傳使

天文志曰天廐十星在東壁北主馬之官也若今之
驛亭也主傳令置駟逐滿馳騫謂行急疾與駟漏
並馳

大象旁通曰天廐乃今之駟亭也其星疎拆則道路

不通兵車滿野星就聚則郵傳有兵起星移徒及
光浮而數動擢郵傳多使者星暗及星亡則道路
不通亦曰急兵

月五星犯天厩

天文別錄曰月犯天厩則車駕出郵傳月暈天厩則
大臣有受命出征郵傳有兵

古今星釋曰大白犯天厩則天子親驛傳一曰天子
自將兵熒惑犯天厩盜賊滿道路郵傳不通

客星犯天厩

樞衡論曰客星犯守天厩則有大兵起一曰道路不

通關梁失守

古今星釋曰客星守天厩中五十日不去則天子被
甲冑宿郵亭一曰急兵暴至

彗孛犯天厩

天文別錄曰彗星掃天厩則郵亭有死使一曰人君
有憂

古今星釋曰星孛天厩天子出狩親館郵亦曰禁兵
宿兵

流星犯天厩

靈臺祕苑曰流星抵天厩中則使者過害此傳舍中

一曰有死使

大彖旁通曰流星出天廐中則外兵入寇天子備兵
變一曰王者憂外寇

雲氣犯天廐

天文別錄曰黑雲氣入天廐中其國有恐一曰兵亂
白雲氣入之則國失地破軍殺將黃氣入之天子
宿郵亭赤氣為水災

傳舍星論

傳舍星統占

月五星犯傳舍

客星犯傳舍

彗孛犯傳舍

流星犯傳舍

雲氣犯傳舍

傳舍星統占

天文別錄曰傳舍九星在閣道北其東星入壁六度
主賓客之館

甘德曰傳舍九星在華蓋北主賓客館舍星出備姦
使星不明則胡兵大起

天文志曰傳舍九星在華蓋上近河賓客之館主胡
人入中國客星入之備姦使亦曰胡兵起

古今星釋曰傳舍主國賓客館舍也星入河中則諸
侯交怨星踈圻則胡兵入寇星就聚胡兵彊盛入

凌中國星直則姦臣在君側星不明及星亡則皆
主兵起為亂

月五星犯傳舍

天文別錄曰月犯傳舍諸侯有共謀月暈傳舍五日
無雨則諸侯侵伐有雨解之則殃淺熒惑犯之則
賓客館有火災一曰天子有驚憂太白犯之諸侯
攻伐中國天子失地

客星犯傳舍

天文別錄曰客星守傳舍則外國諸侯爭地內侵一
曰暴兵自外至

星讚曰客星守傳舍則姦使入天子廷一曰有姦謀

逆主

彗孛犯傳舍

天文別錄曰入彗孛於傳舍天子憂兵喪一曰諸侯
不受制于天子亦曰臣下有自立者

大象旁通曰彗孛傳舍天下有革政一曰有更王

流星犯傳舍

天文別錄曰流星犯傳舍則諸侯入覲天子有陰謀
亦曰有姦使入境

河圖遺書曰流星入傳舍則臣下有謀主一曰諸侯

有兵叛

雲氣犯傳舍

天文別錄曰黑雲氣入傳舍則天子備諸侯叛兵入
境一曰館舍姦使入畿甸白氣入之有急兵黃氣
入之天子受四方朝覲青赤氣入之亦主兵

外屏星論

外屏星統占

客星犯外屏

彗孛犯外屏

流星犯外屏

雲氣犯外屏

外屏星統占

天文別錄曰外屏七星在奎南其四星入壁八度外

屏以蔽天溷

胡周切濁也

甘德占曰外屏七星黑在奎南以蔽天溷占曰星明則民人安堵星暗及移則人不安居

古今星釋曰外屏捍蔽天溷以察民之安危星明溷而光澤天下和平星移徙及不見萬民不安星踈坼人民流散失業不安堵星就聚則小人黨盛嘯聚為盜

客星犯外屏

天文別錄曰客星犯外屏則民流失業天下凶荒一

曰盜賊四起

古今星釋曰客星守外屏民聚為盜一日天下無良民
彗字犯外屏

天文別錄曰彗星掃外屏天子失民心國祚亡宗社危
古今星釋曰星孛外屏人君霍民流毒天下國棄祀
一日天下更王

流星犯外屏

天文別錄曰流星抵外觸外屏則黎民失業百姓怨
嗟不遑啓一日兵擾良民

古今星釋曰流星出外屏歲荒兵擾百姓流亡一日

下民失業良善受禍

雲氣犯外屏

天文別錄曰黑雲氣入外屏則其國邊境兵擾一日
外兵暴至黎民不安白雲氣入之則其國有急兵

天溷星論

天溷星統占

客星犯天溷

彗孛犯天溷

流星犯天溷

雲氣犯天溷

天溷星統占

天文別錄曰天溷七星在外屏南其北星入奎三度

甘德曰天溷七星黑在外屏西南星不見及移則人不安居

古今星釋曰天溷以占民之安危星列如貫索狀用外屏以為用蔽星明潤而光澤則天下無失業之民星踈圻則天下民流亡星就聚則民聚為盜星暗則移徙則民不安堵

客星犯天溷

天文別錄曰客星干天溷外兵入塞天下民憂一曰其國民擾

古今星釋曰客星抵天溷盜賊四起其國民勞一曰

八二九
民被甲冑

彗孛犯天溷

天文別錄曰彗星干犯天溷天子失民心國祚亡一
曰不有亡國必有死君

古今星釋曰星孛天溷其國有兵喪一曰民聚為亂
天下大擾

流星犯天溷

天文別錄曰流星抵觸天溷天下民移一曰民不安居
古今星釋曰流星出天溷人君失民心一曰下民有

叛謀

雲氣犯天溷

天文別錄曰黑雲氣入天溷則良民為盜白氣入之則民捨耒耜黃氣入之下民有暴貴者一曰民受君賞青氣入之民多獄訟赤氣入之民失業天下有流民

天倉星論

天倉星統占

月五星犯天倉

客星犯天倉

彗孛犯天倉

流星犯天倉

雲氣犯天倉

天倉星統占

天文別錄曰天倉六星在奎南其西北星入奎八度
主歲之凶豐

石申占曰天倉六星赤在天囷

六倫切廩之囷也

南主歲穀

星明互相近則歲熟星開則譏倉中星多則穀盛
年豐星少則穀竭金火守之災起

古今星釋曰天倉主候歲之豐凶占其星明則百穀
順成星暗微則歲不善一星亡則五穀不成六星
俱不見其國大饑人相食星踈圻則歲多歉星就
聚則其歲豐

月五星犯天倉

天文別錄日月犯天倉則國用耗竭三軍為亂一曰
民相誅戮以爭糗糧一曰月入天倉天下乏糧焚
惑犯之歲旱大荒辰星犯之為大水太白犯天下
兵起

客星犯天倉

石申曰客星入天倉天下穀大貴民飢失業一曰天
倉與客偶穀不入民口

古今星釋曰客星守天倉出怒角則年穀不登又曰
歲歉民飢

彗孛犯天倉

武密曰彗孛掃天倉則御庖乏米天下多餓莩死人
如麻

古今星釋曰星孛于天倉抵天倉中滅則國用匱乏
兵變爭食人君失位

流星犯天倉

天文別錄曰流星抵觸天倉其國大饑民不粒食一
曰野有餓夫

大象旁通曰流星入天倉光芒炆若火炬隆隆有聲
其國天倉有大災一曰軍儲不繼兵叛爭食

雲氣犯天倉

天文別錄曰黑雲氣入天倉天下百穀不收大荒儉
一曰歲凶民死

陳卓叙占曰黃氣入天倉年穀豐歲其有赤氣入之
為大旱青氣入之大水黑氣奄星不見同上吉

土司空星論

土司空星統占

客星犯土司空

彗孛犯土司空

流星犯土司空

雲氣犯土司空

土司空星統

天文別錄曰土司空一星在奎南入奎三度主水土

功星明黃潤則天下安

石申曰土司空赤在天倉南主水土功亦曰司空知

禍福

河圖遺書曰土司空司天下水土之功星明澤潤有常其國歲豐民樂星暗失常不有水患必有土功星亡及移徙其野有兵喪

客星犯土司空

天文別錄曰客星干犯土司空其國有土功黎民勞苦一曰農時違民怨國亡

古今星釋曰客星入土司空土事興良民役百姓怨

嗟國祚將棄

彗孛犯土司空

天文別錄曰彗星掃土司空天下多更造宮宇民心

離國祚棄

大象旁通曰星孛土司空其國有大喪一曰禁廷宮
殿崩壞殺人又曰後宮有大恐

流星犯土司空

天文別錄曰流星抵犯土司空其國有兵恐一曰國
有喪

古今星釋曰流星出土司空天子遣使出治水土功

色黃則吉餘色皆凶

雲氣犯土司空

天文別錄曰黑雲氣入土司空天下大水傷禾稼白
氣入土司空興兵役御水患赤氣入之大旱赤地
千里黃氣入之天下民安青氣入之歲民死

閣道星論

閣道星統占

月五星犯閣道

客星犯閣道

彗孛犯閣道

流星犯閣道

雲氣犯閣道

閣道星統占

天文別錄曰閣道六星二星在紫微垣其四星在王良東其南第一星入奎一十三度南第四星入婁三度主天子遊嬉之別道也

石申曰閣道六星赤在王良東北主天子遊別宮之道若一星不見則輦道不通宮內兵起

天文志曰閣道六星在王良前飛道也從紫宮至河神所乘也一曰閣道主道里天子遊別宮之道也亦曰閣道所以捍難一曰王良旗一曰紫宮旗亦所以為旌表而不欲其搖動旗星者兵所用也

大象旁通曰閣道天子之別道也宴樂嬉遊之所出

亦曰別宮輦道是星所以居玉良天駟之前也星
踈圻不聯屬則車駕有虞星就聚則其國君多婚
遊淫佚星移徙入紫宮則天子宫宇有兵變

古今星釋曰閣道星暗則輦路不通星亡則天子車
駕有驚憂星變色出怒角天子無出宮一曰左右
有叛謀

月五星犯閣道

天文別錄曰月犯閣道則後宮輦路有急兵又曰鑿
輿有恐亦為憂虞

古今星釋曰癸惑犯閣道天子淫荒國祚將亡太白

犯之天下兵起為亂天子憂兵

客星犯閣道

天文別錄曰客星逆犯閣道外姦通內謀一曰主憂
臣辱

古今星釋曰客星逆犯閣道守五十日不下者天下
亂兵起國有憂一曰諸侯侵伐邊塞良民受禍

彗星犯閣道

天文別錄曰彗星掃閣道天子以兵叛失天下
一曰國祚亡

古今星釋曰星孛閣道則車騎滿野國以兵亡一曰

有更王

流星犯閣道

天文別錄曰流星抵觸閣道天子憂兵一曰入寇外兵古今星釋曰流星出閣道天子出入不節尚淫佚遊嬉不修德政失民心天下大亂

雲氣犯閣道

天文別錄曰黑氣入閣道則其國有兵起白氣入之破軍殺將其國亡地赤氣入之後宮有火災

天將軍星論

天將軍星統占

月五星犯天將軍

客星犯天將軍

彗孛犯天將軍

流星犯天將軍

雲氣犯天將軍

天將軍星統占

天文別錄曰天將軍一十一星在婁北北頭大星入
婁三度主將帥

石申曰天將軍十一星赤在婁北中央大星大將軍
諸小星曰武兵星動及暗則將弱攝左右星為旗
隨所向擊則勝寇逆則敗金火守之為凶

天文志曰天將軍一十一星侵奎在婁北主武兵中
央大星曰天之大將也天將軍大星也外小星吏

士也大將動擢兵起大將出小星不具則兵廢

古今星釋曰天將軍天之天將主天子之大將軍也
星十有一中央大星為大將軍左右小星為武兵
為旗為左右吏士占其星明潤小大有常天子兵
強大星暗小星明其國無軍政一曰賞罰不明大
星移徙小星就聚則三軍殺主將大星亡則將死
小星不見為破軍十一星俱亡其野破軍殺將星
踈圻則三軍潰

月五星犯天將軍

天文別錄曰月犯天將軍中央大星則其國有叛將

若犯左右小星其國有潰兵太白逆犯天將軍則其國亡地一曰有屠城若熒惑成鈞已者犯之則其國有走君

客星犯天將軍

天文別錄曰客星犯天將軍其國邊兵為亂一曰外寇內侵

大彗旁通曰客星若粉絮守天將軍五十日不下其國有死將亦曰有破軍

彗孛犯天將軍

天文別錄曰彗孛出天將軍其國大將弑主一曰三

軍殺主將

古今星釋曰星孛天將軍占為邊兵一曰兵寇塞三
軍潰國祚亡

流星犯天將軍

天文別錄曰流星起天將軍占為邊兵一曰兵寇塞
邊地流血

大象旁通曰流星抵觸天將軍外表內侵邊郡用兵
一曰天下多征伐

後漢和帝永元元年三月壬戌有流星起天將軍象
北行為邊兵其六月漢遣車騎將軍竇憲等進兵

臨私渠北鞬海斬虜萬餘級生口牛馬百萬頭日
邊王等八土部降凡三十餘萬人追單于至西海
雲氣犯天將軍

天文別錄曰黑雲氣入天將軍其國有死將不然有
屠城白氣入之四夷交侵中國

大象旁通曰黃雲氣入天將軍其國富兵強一日天
子以厚賞賜兵將

軍門南星論

軍南門統占

客星犯軍南門

彗孛犯軍南門

流星犯軍南門

雲氣犯軍南門

軍南門星統占

天文別錄曰軍南門一星在婁北入婁一度主詆訶
出入

甘德占曰軍南門一星黑在天將軍西南主詆訶出
入占曰動搖則軍行不見則兵亂

天文志曰軍南門一星在天將軍大將之南主詆訶
出入

河圖遺書曰軍南門主詆訶出入以候三軍之行止
也星明潤則軍出以律星暗及動搖則不有破軍

必有亡將星亡則兵潰

客星犯軍南門

天文別錄曰客星入守軍門則外姦入軍營一曰有賊兵入境

大象旁通曰客星大如杯狀守軍門南乘五十日不下者其國兵變戮將弑主

彗孛犯軍南門

天文別錄曰彗孛干犯軍南門其國兵叛有匿謀一曰有篡弑之禍

古今星釋曰彗孛入犯軍南門其國兵亂互相誅戮

一曰軍破國破

流星犯軍南門

天文別錄曰流星犯軍南門則外寇入國境一曰外
姦入營中

古今星釋曰流星抵觸軍南門其國兵潰一曰破軍
殺將有亡地

雲氣犯軍南門

天文別錄曰黑雲氣入軍南門則其軍士有離心一
曰有叛將若白氣入之其野有屠城一曰有潰軍
赤氣入之其國軍營有火災青氣入之軍士飢

左右更星論

左右更星統占

月五星犯左右更

客星犯左右更

彗孛犯左右更

流星犯左右更

雲氣犯左右更

左右更星統占

天文別錄曰左更五星在婁東其東北觜星入婁五
度右更五星在奎東南其東北頭星入奎一十
度半

甘德占曰左更處東右更處西各五星並黑在婁南
左更主山澤右更主牧師占曰金火守左更主兵

起守右更馬牛多死

古今星釋曰左更主仁智亦主兵右更主禮義左更
星明潤則內外治右更星明潤風俗淳亦曰牛馬
蕃庶左星亡及動搖移徙則其國有兵變右星亡
及動搖移徙則其國風俗薄禮義失

月五星犯左右更

天文別錄曰月犯左更則其國有亂兵月犯右更則
其野民為亂若太白犯左右更國有兵喪災惑犯
左右更其野有流血

客星犯左右更

天文別錄曰客星犯左右更外夷入寇其野亡地

古今星釋曰客星守左更則山澤失職因民為變若
守右更則牛馬多死農時違

彗字犯左右更

天文別錄曰彗星掃左更則其國有兵亂彗星掃右
更其國多死亡

古今星釋曰星字左更其野有更王星字右更其國
棄祀

流星犯左右更

天文別錄曰流星抵觸左更其國俗易夏尚夷風若

抵觸右更其國君無禮義淫風恣行一曰牛馬度
雲氣犯左右更

天文別錄曰黑雲氣入左更其國有水災入右更其
野糴貴白氣入左更其國有兵喪入右更其國民
人受禍

鈇鑽星論

鈇鑽星統占

月五星犯鈇鑽

客星犯鈇鑽

彗孛犯鈇鑽

流星犯鈇鑽

雲氣犯鈇鑽

鈇鑽星統占

天文別錄曰鈇鑽五星在天倉南其北中央星入奎
五度主芟刈之器

甘德曰鈇鑽五星黑在天倉西南芟刈之象主斬芻
星明則馬牛多脂動搖微暗不見牛馬死

天文別錄曰鈇鑽五星在天倉西南主務芟刈亦主
牛馬

古今星釋曰鈇鑽乃芟刈之象主芟夷芻草之器星
不欲明大尚微細而小明若光浮而數動搖則牛
馬多死亡星明大而出怒角則其野五穀不熟星
亡則莠茂禾死歲凶民飢

月五星犯鈇鑽

天文別錄曰月犯鈇鑽其國有臣犯法熒惑犯之大
臣受戮太白犯之天下有兵喪

客星犯鈇鑽

天文別錄曰客星犯鈇鑽則其國有兵擾人君有憂
一曰外寇為亂

古今星釋曰客星守鈇鑽其野多誅伐一曰有殺伐事
彗孛犯鈇鑽

天文別錄曰彗掃鈇鑽其國棄祀一曰有易王
古今星釋曰星孛鈇鑽其野有受誅大臣

流星犯鈇鎖

天文別錄曰流星抵觸鈇鎖有賊臣在大人之側一
曰臣下姦謀

大象旁通曰流星抵鈇鎖隆隆有聲其國有火盜一
曰民受其殃

雲氣犯鈇鎖

天文別錄曰黑氣入鈇鎖有兵為亂白氣入鈇鎖其
國有喪一曰有兵兵罷無兵兵起

大陵星論

大陵星統占

月五星犯大陵

客星犯大陵

彗孛犯大陵

流星犯大陵

雲氣犯大陵

大陵星統占

天文別錄曰大陵八星在胃北其北尾星入婁一十度其南頭北星入婁一十一度

石申曰大陵八星赤在胃北星不明則衆人多死亦主兵起

天文志曰大陵八星在胃北陵者墓也大陵在卷舌之口主死喪之事亦曰為兵喪

古今星釋曰大陵乃貴人墳墓也八里彎曲以當卷

舌之口一曰積京主大喪星直列貴人暴死一曰
有暴露貴臣尸星明大出怒角其野有死君星踈
圻則天下多疫星就聚其野白骨籍籍星忘諸侯
專恣以兵叛上

大象旁通曰大陵中小星衆多列國有喪民多疾疫
星少則曰有兵亂

月五星犯大陵

天文別錄曰月犯大陵其國用武一曰有喪兵亦曰
人君惡之

古今星釋曰熒惑犯大陵國有大喪亦曰為白衣會

太白犯大陵天子有憂一曰天下有兵變鎮星犯
之歲凶歲星犯之五穀不熟歲飢民流辰星犯之
大水傷稼

客星犯大陵

天文別錄曰客星犯大陵其國多死喪客星入大陵
人君惡之

大彗旁通曰客星出大陵大如椀色白出四角其國
有大喪

彗孛犯大陵

天文別錄曰彗星掃大陵人君惡之其國有更王一

曰天下有兵變

大象旁通曰星孛大陵犯積尸其野有死君一曰臣
下篡殺

晉惠帝元康五年四月星孛于奎經大陵占曰大陵
有積尸死喪之事後五月賈后廢死又明年趙王
倫篡位

流星犯大陵

天文別錄曰流星抵觸大陵其國有外喪一曰人君
當之

古今星釋曰流星出大陵其國有大兵起亦曰諸侯

有死喪

雲氣犯大陵

天文別錄曰黑氣入大陵其野有兵變良民受禍一
曰國有喪白氣入大陵後宮有哭泣事

積尸星論

積尸星統占

月五星犯積尸

客星犯積尸

彗孛犯積尸

流星犯積尸

雲氣犯積尸

積尸星統占

天文別錄曰積尸一星在大陵中入胃二度主喪葬事

甘德曰積尸一星黑在大陵中一名積京明則多死
亡不見則吉火守犯天下多疫死

天文志曰大陵中一星曰積尸明則死人如山

古今星釋曰積尸一星在大陵中星不欲明明則多
貴人喪星暗則吉移徙出大陵主貴喪暴露星亡
則為得常有常則吉遇變則凶一曰多死喪

大象旁通曰積尸有二一在大陵一在輿鬼在大陵
則曰積尸亦曰積京在輿鬼則曰積尸亦曰質星
二者皆主死亡喪葬之事星亡及不見則其國安
星明大出怒角天下多死喪

月五星犯積尸

天文別錄曰月犯積尸其國有兵喪月暈積尸其國有兵橫尸滿野

大彖旁通曰歲星犯積尸邊兵起死人滿野一曰其國大人憂焚惑犯積尸有兵喪大人忘之太白犯之其野橫尸如麻流血如水辰星犯積尸大臣受戮其邦多水災

客星犯積尸

天文別錄曰客星入積尸其野有哭泣事一曰有急兵大人當之

古今星釋曰客星大如杯椀守積尸五十日不下者其邦有兵起其流血

彗孛犯積尸

天文別錄曰彗孛星出積尸其國有大喪一曰白衣之會若彗炎所指國亡

大象旁通曰星孛出積尸其野大戰一曰有橫尸亦曰有屠城

流星犯積尸

天文別錄曰流星入積尸人君有大憂若流星出積尸則天子遣將出征伐兵敗色黃者勝餘色皆凶

古今星釋曰流星抵觸積尸兵聚其下一曰伏尸積如山丘

雲氣犯積尸

天文別錄曰蒼白氣入積尸有哭泣事出積尸禍除赤氣入積尸有大災黃白氣入之天子有喜黑氣入之有水災

天船星論

天船星統占

月五星犯天船

客星犯天船

彗孛犯天船

流星犯天船

雲氣犯天船

天船星統占

天文別錄曰天船九星在大陵北其尾星入胃一度
東鈞頭星入昴十度第二星入畢一度第三星入
畢初度

石申曰天船九星赤在大陵北星亡不在河中津路
不通川途隘阻星移徙不喪則兵

天文志曰天船九星在大陵北居河中一曰舟星主
渡所以濟不通也亦主水旱不在漢中則津河不
通中四星欲其均明即天下大安不然則兵喪若
客彗守之為大水有兵

古今星釋曰天船乃舟航之象主濟度亦主水旱星
直列則川途塞星踈圻則天下有兵憂星明大出
怒角則兵亂國人受殃九星俱亡其野有大喪

月五犯天船

天文別錄曰月犯天船則津梁不通外寇入國境一
曰邊兵為亂若月暈三重則女主有憂三日內有
雨則解

大象旁通曰歲星犯天船則川途阻一曰有水寇災
惑犯天船歲大旱民飢辰星犯之為大水傷禾稼
鎮星犯之起兵興役以務土功大白犯之則其國

有大寇

客星犯天船

天文別錄曰客星犯天船夷狄舉兵入寇一曰有邊兵
古今星釋曰客守出守天船色赤為旱色白為兵喪
色黑為大雨色青為歲凶

彗孛犯天船

天文別錄曰彗孛星出天船為大水歲荒民飢糴貴
十倍

古今星釋曰星孛出天船為大雨水一曰為亂兵一
曰天子受殃

後漢孝明帝永平二年六月丁卯彗星出天船北長
二丈所稍北行至亢南百三十五日而去天船為
水彗出之為大水是歲伊維水溢到伊城門壞伊
橋郡七縣三十三皆大水永平八年壬午長星刺
天船五十六日而去是歲多雨水郡十四傷禾稼
晉并平二年五月丁亥彗星出天船在胃占曰有兵
喪除舊布新出天船外表侵一曰為大水四年五
月天下大水五年穆帝崩

流星犯天船

天文別錄曰流星出天船外姦入天子庭一曰內外

有匿謀

古今星釋曰流星入抵觸天船其國有兵川道不通
一曰大水陷城邑

雲氣犯天船

天文別錄曰有蒼氣入天船為兵起黑氣為大水雨
傷禾民飢青氣入之五穀不熟赤氣入之有火災
白氣入之為大兵其國有水患

積水星論

積水星統占

月五星犯積水

客星犯積水

彗孛犯積水

流星犯積水

雲氣犯積水

積水統占

天文別錄曰積水一星河在北東北入井一十八度
主水候火災

石申占曰積水一星赤在天船中占曰火入兵水守
火災

天文志曰積水一星在北河東北居天船中主占候
水災

古今星釋曰積水居天船中星明潤光澤則天下安
江河淮濟而無水患星之百川暴溢天大水星暗

及光浮而數動搖者河防決人民漂溺通衢行舟
星移徙則江河失故道天下有大水災

月五星犯積水

天文別錄日月犯積水平野有暴水至傷禾稼歲飢
民困月暈積水連雨不解江河暴漲

古今星釋曰太白守積水為兵起熒惑守積水為急
兵辰星逆犯為大水災毀城邑殺人民

客星犯積水

天文別錄曰客星守積水河失隄防漂溺人民一曰

積水客守江河亂走

古今星釋曰客星守積水五十日不下大雨不時行

舟船入井市

彗孛犯積水

天文別錄曰彗星掃積水百川溢五穀漂溺天下饑
荒人相食

古今星釋曰孛星出積水舟入都市一曰河防決人
君憂水荒

流星犯積水

天文別錄曰流星犯積水則洪水灌通衢若抵觸積

水殺人

古今星釋曰流星出積水天下憂水患一曰洪水橫
流城邑敗人民饑

雲氣犯積水

天文別錄曰黑氣入積水時雨霖霖江河溢城邑壞
天下大勞糴貴人飢白氣入之為急兵白有水寇

乾象通鑑卷第八十九

乾象通鑑卷第九十

河間府免解進士臣李季奉

聖旨編

西方雜坐統論中

卷吉星論

天讒星論

天困遷星論

芴葉星論

天庾星論

天阿星論

天陰星論

天廩星論

天苑星論

天園星論

礪石星論

天街星論

月星論

天節星論

九州殊口星論

九游星論

天高星論

卷舌星論

卷舌星統占

月五星犯卷舌星

客星犯卷舌

彗星犯卷舌

流星犯卷舌

雲氣犯卷舌

卷舌星統占

天文別錄曰卷舌六星在昴北其尾星入胃十二度
南頭一星入胃一十四度主讒佞

石申曰卷舌六星亦在昴北主樞機知讒佞出漢中
多佞言星繁則佞死

天文志曰卷舌六星在昴北主口語以知讒佞也星
曲則吉亦曰居常則吉星直則動而天下有口舌
之害

陳卓叙占曰卷舌六星勢如彎弓則言路得正人星
勢直則有口舌之害星俱暗則讒言損忠良星移
則言路塞上下之情不過星亡則天子殺諫臣
古今星釋曰卷舌踈坼則佞臣死星就聚邪臣在君

則阿黨殺忠臣

月五星犯卷舌

天文別錄曰月犯卷舌則後宮有匿謀亦曰女主聽說
古今星釋曰歲星逆犯卷舌則天子聽佞臣黜正臣
太白犯卷舌忠臣退位纔臣以兵叛熒惑犯卷舌
則言路塞忠臣亡

客星犯卷舌

天文別錄曰客星犯守卷舌則外姦通佞人損忠義
一曰人君憂忠臣死

古今星釋曰客星出卷舌則諫臣失職言路不得人
一曰百姓議天子亦曰天下有妖言

漢元帝初元二年五月客星見昴分居卷舌東可五
赤青白色炎長三寸占曰天下有佞言者其十二
月鉅鹿都尉謝君男詐為神人論死免官

彗星犯卷舌

天文別錄曰彗星掃卷舌人主聽讒失天下心一日
讒佞罔上亦曰佞臣干君權

古今星釋曰星字卷舌中天子用佞臣天下有離心
一曰有更王

流星犯卷舌

天文別錄曰流星出卷舌天下有妖言害國政一曰

天子聽讒言不肖在位天下怨嗟

古今星釋曰流星抵觸卷舌色黃則史直言官不佞

餘色皆凶

雲氣犯卷舌

天文別錄曰黃雲氣入卷舌人君賜爵祿及諫官若
白氣入之則天子因口舌起兵黑氣入之言官不
忠姦邪作佞人在大人之側赤氣入之人君自示
其咎亦曰君有過失史官不敢言

天讒星論

天讒星統占

月五星犯天讒

客星犯天諛

彗孛犯天諛

流星犯天諛

雲氣犯天諛

天諛星統占

天文別錄曰天諛一星在卷舌中入鼻二度主醫巫
甘德占曰天諛一星在卷舌中主巫醫之官占同從官
天文志曰卷舌中一星曰天諛亦主醫巫

大象旁通曰天諛在卷舌中甘德以謂主醫巫之官
星不欲明大則失常光浮而數推動為變得常則
吉遇變則凶故曰天諛明即諛佞作天諛出角即
醫巫擅權唐一行言天諛主口舌之患亦主醫巫

者此其所以與從官同占也

陳卓叙占曰天譏移徙出卷舌外則天下有妖言害時政亦主醫巫擅人君之柄

月五星犯天譏

天文別錄曰月犯天譏醫巫造妖言鼓惑天下一曰巫祝懷姦以妬國政

古今星釋曰月暈天譏期五日有雨不雨則天子用譏佞殺忠良之人

大象旁通曰太白犯天譏醫巫借君權以兵叛主榮惑犯天譏則臣害時政

客星犯天諛

天文別錄曰客星犯天諛則姦臣在位一日賤臣有

陰謀

古今星釋曰客星犯天諛守五十日不下者姦邪當
路竊人君權妨功害能流毒天下

彗孛犯天諛

天文別錄曰彗孛干犯天諛天子用佞諛失天下心
一曰姦邪有篡弑之謀

大象旁通曰彗星掃天諛彗星不見則姦邪在高位
人君受制于邪臣一曰諂諛當路以害時政

陳卓叙占曰星孛出天譏則姦臣進賢人退小人在

位天下怨謗

流星犯天譏

天文別錄曰流星抵觸天譏則醫巫懷姦以毒天子

一曰外姦通內謀天子有憂

陳卓叙占曰流星出天譏姦臣坐事犯坐一曰醫巫死

雲氣犯天譏

天文別錄曰黑雲氣入天譏則醫巫失官譏言息白

雲氣入天譏則姦邪以兵叛主一曰人君憂兵變

黃氣入天譏醫巫受君祿

天囷兵備切星論

天囷星統占

月五星犯天囷

客星犯天囷

彗孛犯天囷

流星犯天囷

雲氣犯天囷

天囷星統占

天文別錄曰天囷一十三星如乙字形在胃南臨赤道其北頭星入胃九度尾星在赤道外主倉廩

石申曰天囷十三星青亦在胃南主倉廩星明則歲豐星暗及血色則不吉若金火守之災起

天文志曰天囷十三星在胃南囷倉廩之屬也主給

御糧也

古今星釋曰天圜積粟之所以占候倉廩之虛盈亦
主歲之豐凶倉箱之衍耗星曲屈如乙字形狀則吉
星直列則倉廩空虛星踈圻則軍儲耗散星就聚
則天子乏御糧天下大飢星亡則兵變爭食天下

大亂

月五星犯天圜

天文別錄曰月犯天圜大水傷禾稼五穀不熟

古今星釋曰熒或犯天圜歲旱民飢一曰水旱連年
民不粒食太白犯天圜則天下飢民為寇國有憂

辰星逆犯天囷則天下大水歲歉

河圖遺書曰五星逆犯天囷年穀不登飢民爲亂其
國有兵

大象旁通曰熒惑成鈎已逆犯天囷則天倉有火災
晉太元二十年六月熒惑入天囷占曰大飢二十一
年四月太白入天囷占曰爲飢是年連歲早三方
動衆人飢

客星犯天囷

天文別錄曰客星犯天囷百穀不順成倉廩耗之客
星若粉絮守五十日不下則天下有飢民百姓流亡

古今星釋曰客星乘凌天圍糴貴十倍君憂食天下

兵起

彗孛犯天圍

天文別錄曰彗孛掃天圍天下大飢荒天子憂御糧
一曰天下相誅戮以爭糶糧

古今星釋曰星孛天圍中天下有急兵一曰軍儲不
繼互相攻伐以爭食

流星犯天圍

天文別錄曰流星逆犯天圍則五穀不熟倉廩空虛
糴貴民飢一曰三軍憂無糧

陳卓叙占曰流星抵觸天囷軍士乏糧互相殘殺一
曰流星擊天囷則國用匱乏軍糧耗散國窘民貧
天下大荒

雲氣犯天囷

天文別錄曰黑雲氣入天囷天下大荒民困赤氣入
天囷則倉廩有火災蒼白氣入天囷倉廩有急兵
爭糧有黃氣入天囷年穀順成天下和平青氣入
之亦主民飢一曰天囷出青氣則民有菜色

天芻藁星論

天芻藁星統占 月五星犯天芻藁星

客星犯天芻藿

彗字犯天芻藿

流星犯天芻藿

雲氣犯天芻藿

天芻藿統占

天文別錄曰天芻藿六星在困南其西北星入婁九度
甘德曰天芻藿六星黑在天苑西星不見則牛馬暴
死及金火守之亂兵起一星不見其國有兵

古今星釋曰天芻藿以候牛馬之衍星明潤則牛馬
蕃庶天下安寧星暗及不見則牛馬暴亡一曰有
急兵星踈圻則天下有變星亡則人君有兵憂

月五星犯天芻藿

天文別錄日月犯天芻藁則大臣以兵叛主一日邊將以兵謀上

古今星釋曰熒惑犯天芻藁天下有兵憂一日邊兵反大白犯之有急兵一日反將

客星犯天芻藁

天文別錄曰客星犯天芻藁則牛馬多疫死一日有邊兵入寇塞垣

大象旁通曰客星乘守天芻藁則天下牛馬耗散爲寇所攘一日夷狄內侵掠民牛馬

彗孛犯天芻藁

天文別錄曰彗星掃天芻藁天子憂邊兵一曰天子自將兵

古今星釋曰星孛出天芻藁則天下有兵亂亦曰馬貴

流星犯天芻藁

天文別錄曰流星入芻藁外國有貢牛馬者色黃即吉餘色有兵變

大象旁通曰流星抵觸天芻藁則其國有亂兵一曰人君有兵憂

雲氣犯天芻藁

天文別錄曰黑雲氣入天芻藁則牛馬暴死白氣入

之其野有急兵黃氣入之牛馬蕃庶天下有富

天庾星論

天庾星統占

月五星犯天庾

客星犯天庾

彗孛犯天庾

流星犯天庾

雲氣犯天庾

天庾星統占

天文別錄曰天庾三星在天倉東南其東入婁五度

主聚粟

甘德占曰天庾三星黑在天倉東南主積粟占與天

倉同

天文志曰天倉南三星曰天庾積儲粟之所
大象旁通曰天庾乃儲蓄之所主歲穀積聚所在星
明潤光澤則歲豐星踈坼則歲飢

古今星釋曰天庾以候歲之豐凶時之有無一星
則糴貴民飢三星俱亡則天下荒人相食

月五星犯天庾

天文別錄曰月逆犯天庾國用耗竭倉廩空虛月暈
天庾大雨水傷禾稼一曰月暈天庾歲多霖雨太
白犯天庾天下有暴兵一曰人君憂兵災惑犯之
歲旱赤地千里人相食

客星犯天庾

天文別錄曰客星犯天庾天下穀貴倉廩無積蓄

古今星釋曰客星守天庾出怒角則國用匱乏歲歉
民貧人爭食

彗孛犯天庾

天文別錄曰彗星掃天庾則天子乏御糧百姓憂飢
荒饑莩滿原野

古今星釋曰星孛天庾則國用耗散天下因糧用兵
一曰民相攻伐以爭糶糧

流星犯天庾

天文別錄曰流星犯天庾其國大荒五穀不熟民無
粒食一曰死人如丘山

古今星釋曰流星抵觸天庾軍儲不足天下用兵以
爭糧一曰流星出天庾倉廩有火災

雲氣犯天庾

天文別錄曰黑雲氣入天庾則歲凶兵起白氣入天
庾則五穀不熟糴貴黃氣入之倉庫廩府庫充青
黃氣入之時和歲豐天下富有

天阿星論

天阿星統占

月五星犯天阿

客星犯天阿

彗孛犯天阿

流星犯天阿

雲氣犯天阿

天阿星統占

天文別錄曰天阿一星在胃東入胃七度

甘德占曰天阿一星黑在昴西占與天高同

古今星釋曰天阿一星阿大陵也主登阿遠望以觀

象氣亦曰占候陰陽以察邊虞星明潤則遠陸安

天下無虞星暗及不見則邊兵起星移徙夷狄內

侵入寇中國一曰邊將以兵叛主星亡則陰陽不

和一曰官失其守則不理

月五星犯天阿

天文別錄曰月犯天阿則邊兵爲亂月暈天阿期五日有風雨出三日不雨則期一年有邊兵

古今星釋曰熒惑犯天阿夷狄入寇太白逆犯天阿外國兵起內侵一曰天下有急兵辰星犯天阿陰陽失序

客星犯天阿

天文別錄曰客星犯天阿外夷起兵犯順一曰邊庭

有警

古今星釋曰客星守天阿邊城失守一曰有警城

彗孛犯天阿

天文別錄曰彗星掃天阿外夷入中國以逼天子一
曰天下有更王

大象旁通曰星孛出天阿夷狄有警人君憂邊兵一
曰有內變亦曰天下革政

流星犯天阿

天文別錄曰流星出天阿夷狄起邊地入侵國中一
曰邊將死

古今星釋曰流星抵觸天阿外寇入犯塞境一曰塞
城失守邊民受殃

雲氣犯天阿

天文別錄曰黃雲氣入天阿陰陽和夷狄入貢黑氣入天阿邊兵爲亂白氣入天阿外夷 寇赤氣環繞天阿烽火起有急兵

天陰星論

天陰星統占

月五星犯天陰

客星犯天陰

彗孛犯天陰

流星犯天陰

雲氣犯天陰

天陰星統占

天文別錄曰天陰五星在胃南其東星入胃八度

石申占曰天陰五星赤在畢東主從獵臣星不明則
禁言漏泄

古今星釋曰天陰主從天子田獵之臣亦主天子禁
言星明潤則爲常星暗及不見則禁中有漏泄事
星踈坼則天子出獵不時人臣專恣星就聚外姦
通禁中語以謀天子五星俱亡則天子失左右臣
一曰從獵有虞

月五星犯天陰

天文別錄日月犯天陰則獵臣有匿謀太白犯天陰
則天子憂禁庭有虞一曰有內亂災或犯天陰宮

宇有火災亦曰有兵

客星犯天陰

天文別錄曰客星犯天陰從獵有憂虞一曰有不測變
古今星釋曰客星守天陰禁言漏泄以毒時政天下
有離心

彗字犯天陰

天文別錄曰彗星掃天陰宮禁有憂一曰大人當之
古今星釋曰彗字犯天陰則宮宇有妖言以謀天子
一曰有大喪

流星犯天陰

天文別錄曰流星抵觸天陰從獵夫時百姓怨謗一
曰逐獸有虞

古今星釋曰流星出天陰田獵傷農務一日人君荒
田獵以害民

雲氣犯天陰

天文別錄曰黃氣入天陰禁言不出天子安後宮有
喜黑氣入天陰天子逐獸有虞白氣入天陰宮禁
有兵亦曰有內亂

天康星論

天康星統占

月五星犯天康

客星犯天廩

孛字犯天廩

流星犯天廩

雲氣犯天廩

天廩星統占

天文別錄曰天廩四星在昴南其南星入昴一十一度
石申占曰天廩四星赤在昴南主黍稷祭享星暗則
廩虛黑色則粟腐五星犯守天下亂粟散出占同
天困天倉

天文志曰天廩四星在昴南主黍稷祭享星暗則廩
虛黑色則粟腐五星犯守天下亂粟散出占同天
困天倉一曰天倉主蓄黍以供饗祀春秋所謂御

廩此之象也

古今星釋曰天廩乃天子御廩蓄黍稷以供塗盛以奉祭享星明則廩實星暗則廩匱星踈圻則倉廩耗散星就聚則倉廩匱乏星亡則天子乏御糧星黃潤則國用富有星青黑出怒角粟耗散空虚

月五星犯天廩

天文別錄曰月犯天廩天下飢荒太白犯天廩歲荒有兵災熒惑犯天廩御廩有火災亦曰有亂兵爭食歲鎮辰三星犯天廩天下大飢天子有憂

晉養熙四年五月壬子鎮星犯天廩占曰天下飢食

粟少五年劉裕討慕容超後南北軍旅運轉不息

客星犯天廩

天文別錄曰客星犯天廩天下飢人相食其野有流民
大象旁通曰客星如粉絮守天廩天子之祿授以供

策盛國將棄祀

彗孛犯天廩

天文別錄曰彗星出天廩天子憂食天下多餓孛死
人如亂麻白骨籍籍如丘山

陳卓叙占曰星孛出天廩斗米萬錢人食糠粃

流星犯天廩

天文別錄曰流星抵觸天廩則國用匱乏天子憂食
人民飢餓

古今星釋曰流星犯天廩歲荒民流特事不謹國將
棄祀

雲氣犯天廩

天文別錄曰黑氣入天廩則國計無白氣入天廩其
國亦食有兵變

大象旁通曰黃氣入天廩天下富有府庫充實一曰
有兵兵止

天苑星論

天苑星統占

月五星犯天苑

客星犯天苑

彗孛犯天苑

流星犯天苑

雲氣犯天苑

天苑星統占

天文別錄曰天苑一十六星在胃昴南其西中星入

胃三度東至昴一十一度

石申占曰天苑一十六星赤在畢南星明則禽獸盈

星暗則多死積它星守之亦主外兵

天文志曰天苑一十六星在昴畢南天子之苑園養

獸之所也

大象旁通曰天苑天子之御園宴樂嬉遊蓄獸之所也
也星明禽獸蕃盛星暗及動搖則多死積星直列則天子有禽荒政事不脩人心離散十六星俱亡則天子荒淫不親德政國祚待劫

古今星釋曰天苑星明則天子鋤馬蕃庶星踈圻則國用不豐馬政不理一曰國將有兵變則天苑星聚
月五星犯天苑

天文別錄曰月犯天苑則馬政不脩國將不富太白入天苑將以馬起兵熒惑入天苑御園禽獸不盈
天子憂兵亂

漢元鼎五年太白入于天苑占曰將以馬起兵也一
曰馬將以兵而死耗其後以天馬故誅天宛馬大
死於軍

天文別錄曰客星入守天苑為外兵一曰有急兵
大象旁通曰客星色白如粉絮守五十日不下者邊
塞有急兵亦曰夷狄入寇

陽嘉元年閏月戊子客星色白廣二赤長五丈起天
苑西南主馬牛亦主外兵亦曰色白為兵是時太
守徐白使疏勒王盤等兵二萬人入于闐界虜掠
斬首三百餘級烏桓校尉耿舉使烏桓親漢都尉

戎朱厚等出塞鈔鮮卑斬首獲生口財物鮮卑恚恨鈔遼東代郡殺傷吏民是後西戎北狄為寇害以牛馬起兵牛馬亦死傷于兵中至十年乃息

彗孛犯天苑

天文別錄曰彗星出天苑為遼兵為寇曰天子憂兵古今星釋曰彗星掃天苑奄星俱不見天子憂兵一曰有內變

漢孝安帝永初三年十二月彗星起天苑南東北指長六七赤色蒼白天苑為外軍彗星出其南為外兵是後使羗氏討賊李貴又使烏桓討鮮卑又使

中郎將仕尚護羗校尉馬賢擊羗皆降

流星犯天苑

天文別錄曰流星犯天苑其國有兵憂一曰騎將以

兵叛

古今星釋曰流星出天苑其野有外寇擾邊境民受

殃色黃則殃淺色白赤青黑皆凶

雲氣犯天苑

天文別錄曰黑雲氣入天苑則其野有兵變一曰牛

馬多瘦死白雲入天苑其邦有兵起黃氣入天苑

則御園禽鼓盈一曰牛馬蕃庶青赤氣入天苑其

野有內憂

天園星論

天園星統占

月五星犯天園

客星犯天園

彗孛犯天園

流星犯天園

雲氣犯天園

天園星統占

天文別錄曰天園十三星在天苑南其東北星入畢

九度

甘德占曰天園十三星黑在天苑南星明則菜芥果熟
天文志曰天苑南十三星天園植果菜之所

古今星釋曰天圜乃天子圜圉主果實蔬菜之豐凶
星明潤光澤則其國歲豐多有星暗及動搖則多
飢饉圜中小星衆多則歲其有無星則歲歟星踈
圜及移徙則其野民飢星就聚則其邦不熟糴貴
十三星俱亡其國人相食

月五星犯天圜

天文別錄曰月犯天圜五穀不登糴貴人相食月暈
天圜其野多雨水天下大滯年穀不登人飢

古今星釋曰彗惑犯天圜天下旱百穀不成太白犯
天圜民飢為盜君有憂

客星犯天園

天文別錄曰客星犯天園歲多飢饉人有菜色若守
五十日以上不去者斗米萬錢人無粒食大飢荒
大象旁通曰客星色白若粉絮其野有兵爭糧以致
大亂

彗星犯天園

天文別錄曰彗孛出天園其園人主憂兵變一曰軍
儲不足互相攻伐

大象旁通曰星孛出天園其野百穀不順成倉箱無
有天下大荒兵起人主有憂

流星犯天園

天文別錄曰流星抵觸天園其邦人食菜五穀不反
民口一曰民有菜色

古今星釋曰流星出天園其國多飢民一曰天子之
御糧

雲氣犯天園

天文別錄曰蒼白氣入天園積十日以上爲兵起一
曰有兵暴起若黑氣入天園爲歲凶瓜菜果實不
熟民有菜色

後漢明帝永元十二年十一月癸酉夜有蒼白氣長

三丈起天園東北指軍市見積十日占曰兵起十日期歲明年遼東鮮于二千餘騎寇右北平

礪石星論

礪石星統占

月五星犯礪石

客星犯礪石

彗孛犯礪石

流星犯礪石

雲氣犯礪石

礪石星統占

天文別錄曰礪石四星在五車西其南星入畢四度甘德曰礪石四星黑在五車西主磨礪兵器以禦患者也主兵起古今星釋曰礪石乃磨礪兵器以禦患者也主兵起

九十一
星明則器械利其國有武備星暗及動搖則器械
不利兵弱星移徙及躔坼則有急兵其國有外侮
四星俱亡則人君親戎服

大象旁通曰礪石星就聚外侮內侵人君有兵憂一
曰外侮不禦亦曰有不庭方

月五星犯礪石

天文別錄曰月犯礪石其國兵器不備外寇內侵月
暈礪石有兵期三日有暴風雨其殃解

大象旁通曰熒惑犯礪石其國多葷兵一曰兵起不
測太白犯礪石其野有兵不利甲不堅三軍破大

將死

客星犯礪石

天文別錄曰客星犯礪石其野兵革不利其三軍氣
喪主將無謀

古今星釋曰客星色白若粉絮守礪石五十日以上
不下則其國不有破軍必有死將

彗孛犯礪石

天文別錄曰彗星干犯礪石則天子備甲冑一曰天
子自將兵

古今星釋曰星孛出礪石其野無兵備一曰人君以

兵夫國

流星犯礪石

天文別錄曰流星干犯礪石其野有外寇入侵疆土
一曰邊城夫守

河圖遺書曰流星出礪石夷狄入寇中原若抵觸礪
石則有進貢兵器者

雲氣犯礪石

天文別錄曰黑氣入礪石其國兵革不利一曰邊城
器具不備失守禦白氣入礪石其野有急兵棄甲
戈軍破將死黃氣入礪石有進寶劍者

天街星論

天街星統占

月五星犯天街

客星犯天街

彗字犯天街

流星犯天街

雲氣犯天街

天街星統占

天文別論曰天街二星在畢北其西南星入畢一度
甘德占曰天街二星黑在月星東街南葦夏國皆北
夷狄國金火守大兵起

天文志曰畢西二星天街三光之道也主伺候閭梁
中外之境

古今星釋曰天街乃日月五星經行之道也主天下
關梁中外之疆界也街之南北以分中國夷狄之
境二星明潤光澤天下和平南星亡則中國有兵
喪北星亡則夷狄有兵喪二星俱亡中國夷狄互
相攻伐

月五星犯天街

天文別錄曰月犯天街則夷狄內侵中國月暈天街
期三日有大雨出三日其國有兵起

古今星釋曰彗惑犯天街南中國有兵變犯街北夷
狄有內亂太白犯天街南中國破軍殺將犯街北

則夷狄有屠城辰星犯街北夷狄大水患鎮星犯街南中國有土功

客星犯天街

天文別錄曰客星犯天街其國有暴兵若守五十日以上不下其野有死將

大象旁通曰客星大如杯椀守天街大人惡之其國有兵喪一曰有急兵

彗星犯天街

天文別錄曰彗星掃天街彗星不見其君有死君一曰有更王

大參旁通曰星孛天街其野有兵喪一曰為白衣之
會又曰天下易政

河圖遺書曰彗星出天街中其國有彊臣奪主柄一
曰有自主諸侯

流星犯天街

天文列緯曰流星抵觸天街中國有起兵侵掠夷狄
色黃者勝餘色俱不利

古今星釋曰流星出天街天子遣將出征外國色黃
者利流星若出街北抵街南夷狄內侵中國境

雲氣犯天街

天文別錄曰黑氣犯天街其國有兵變白氣入天街其野有大喪亦曰有兵起黃氣入天街天下安泰赤氣入天街其野有火災青氣入天街其邦歲歲

月星論

月星統占

月五星犯月星

客星犯月星

彗孛犯月星

流星犯月星

雲氣犯月星

月星統占

天文別錄曰月一星在昴東南入昴六度

甘德曰月一星黑在昴東主女大臣象星明則女大

臣專政金火守臣下兵起

天文志曰天街旁一星曰月星明大則女主專恣擅
人君權

古今星釋曰月星主陰事女主之象亦曰爲女臣星
出怒角數搖動則女主干主政一曰女主擅權星
亡則有女喪星微明爲有常星移徙則後宮有生
廢文大臣一曰女主有憂

月五星犯月星

天文別錄曰月犯月星後宮爭權一曰女主毒殺無
辜月暈月星后妃有憂

古今星釋曰榮惑犯月星女主擅權以通外姦太白
犯月星後宮有兵變女主當之

客星犯月星

天文別錄曰客星犯月星其國有進新美女以干君政
古今星釋曰客星犯月星女主奪主柄羣臣側目

彗孛犯月星

天文別錄曰彗星出月星其國有女喪一曰後宮有
急兵為亂

古今星釋曰星孛月星則其國女大臣有憂一曰女
臣有坐廢者

流星犯月星

天文別錄曰流星犯月星女臣有憂一曰女主專恣坐廢

古今星釋曰流星出月星其國後宮逐女臣一曰女主失勢

雲氣犯月星

天文別錄曰蒼白氣入月星其國有兵起一曰有陰謀又曰有陰事匿謀黑氣奄月星其國有女喪黃氣覆月星后妃受君錫賜珠玉

天部星論

天節星統占

月五星犯天節

客星犯天節

彗孛犯天節

流星犯天節

雲氣犯天節

天節星統占

天文別錄曰天節八星在畢南其北頭西第二星入

畢二度

甘德占曰天節八星黑在畢南主使宣德四方星明
則不辱君命上下之情適星暗則使不達四方五
星守未貴人相食

天文志曰畢之附耳南八星曰天節主使臣之所持

者也

古今星釋曰天節八星乃天子遣使所持之節也天
節星直列使者受辱星踈珥則使者有離心星就
聚則使者辱君命天節星俱亡使者不達于四方
河圖遺書曰天節星暗不明使者受制于外國星明
潤而光澤使者遠而有光華也星移徙則天子德
意不宣布于四方

月五星犯天節

天文別錄曰月犯天節外國有姦使持節入境焚惑
逆犯天節其國有兵起太白逆犯天節天子用斧

鉞一曰有兵起

客星犯天節

天文別錄曰客星守天節其國有矯制諸侯一曰有
自立諸侯

古今星釋曰客星守天節五十日以上不下天手受
制于彊臣一曰諸侯不受天手節鉞

彗孛犯天節

天文別錄曰彗星出天節其國有改主一曰諸侯專
恣擅天子命

古今星釋曰彗孛天節其國有姦佞在右側一曰姦

使有國謀人君當之

流星犯天節

天文別錄曰流星抵觸天節外國有姦使入境色黃
即謀不成餘色俱凶

大彖旁通曰流星出天節天子遣使出外夷色黃則
使違餘色皆凶

雲氣犯天節

天文別錄曰黃雲氣入天節天子遣使持節君命不
辱達而有光華黑氣入天節其國大飢荒

九州殊口星論

九州殊口星統占 月五星犯九州殊口

客星犯九州殊口 彗孛犯九州殊口

流星犯九州殊口 雲氣犯九州殊口

九州殊口統占

天文別錄曰九州殊口九星在天節南其西北星入

畢二度

甘德占曰九州殊口九星黑在天節南主曉方俗言

語星不見及金火守亂兵起一星不見則其國有兵

天文志曰天節下九星曰九州殊口曉方俗之官通

重譯者也

古今星釋曰九州珠口主方俗譯語之官也星直列

中外不通邊陲有警星踈圻其國有不庭之方星
就聚其野有邊兵九星俱亡則九州交兵其國流血

月五星犯九州珠口

天文別錄曰月犯九州珠口星夷狄與中國抗衡一
曰夷狄內侵邊境月暈九州珠口期五日有暴風
雨不雨則其野有急兵

古今星釋曰太白逆犯九州珠口外夷入寇一曰其
野有急兵

客星犯九州珠口

天文別錄曰客星入守九州殊口外國有兵謀一曰

邊陲有釁

許物切
災也

大象旁通曰客星守九州殊口色黃中國兵起多勝
餘色皆凶若乘守五十日不下其野破軍殺

彗字犯九州殊口

天文別錄曰彗星出九州殊口夷狄彊盛入寇中國
一曰其國有易政亦曰內有亂兵

古今星釋曰星字九州殊口其野有死者一白不有

亡國必有易王

流星犯九州殊口

天文別錄曰流星犯抵觸九州殊口外國有姦使入
謀天子色蒼白有改王色黃謀不成

古今星釋曰流星出九州殊口其野有起兵出征一
曰遣將出境

雲氣犯九州殊口

天文別錄曰黃雲氣入九州殊口中外交驩風俗同
天下和平黑氣入之其野有兵變蒼白氣入之遣
庭有急兵一曰軍不破將必死

九游星論

九游星統占

月五星犯九游

客星犯九游

彗字犯九游

流星犯九游

雲氣犯九游

九游星統占

天文別錄曰九游星在九州殊口東南北列其北星

入軍九度半

甘德曰九游九星黑在軍井南天子兵旗金火守大亂

天文志曰九游九星在玉井天子之旗也亦主兵起

古今星釋曰九游乃天子之旗也星瑞列天子兵弱

一曰有亂兵星移徙殊入口則天子被虜星踈坼

則其國有潰兵一曰有彗特星就聚軍士彊盛不

受天子制一曰兵有叛謀九星俱亡其國無軍政

兵潰將死天下大亂

月五星犯九游

天文別錄曰月犯九游天子賞罰不明軍士有離心
一曰天子失軍心

古今星釋曰受惑犯九游其國有亂兵一曰有兵暴
至太白逆犯九游其國破軍殺將若經天犯九游
天下大亂以兵亡國

客星犯九游

天文別錄曰客星犯守九游其國有外寇入境一曰

天子有兵憂

大象旁通曰客星守九游五十日以上不去色白如粉絮天子衛士有叛謀一曰天子失士心以兵棄祀

彗孛犯九游

天文別錄曰彗星出九游其國兵變更主一曰人君尚武以至亡國

古今星釋曰星孛九游其野有死君一曰不有屠城必有亡國

流星犯九游

天文別錄曰流星抵觸九游外國起兵入寇違境一

曰邊民受殃又曰邊兵為亂

大象旁通曰流星出九游天子自將兵色黃則勝餘

色皆負

雲氣犯九游

天文別錄曰黑雲氣入九游天子親戎服白氣入九游其國有內變一曰有亂兵黃氣入九游天子明

賞罰軍士爾

天高星論

天高星統占

月五星犯天高

審星犯天高

雙字犯天高

流星犯天高

雲氣犯天高

天高星統占

天文別錄曰天高四星在畢口東北其西北星入畢
三度半

甘德占曰天高四星若在畢西北星不見陰陽不和
官失其守不理

天文志曰畢口大星曰天高一曰邊將主四夷之尉
也星明大則夷狄來貢天下安星失本色則邊兵
亂星盛則中國微有盜賊邊候驚外國反動移讒

倭行

天文志曰坐旗西四星曰天高臺榭之高主遠望氣象
古今星釋曰天高主臺榭之高登高憑遠以假氣象
以察陰陽亦主邊將乃四夷之尉也星明潤則四
夷來賓星暗及不見邊陲有警一曰有急兵星端
列其國邊兵為亂星跡圻及移徙則其國邊有叛
將一曰邊兵有陰謀四星聚光芒相通其國破軍
殺將表狄感彊天下不安四星俱亡天下大亂

月五星犯天高

天文別錄曰月犯天高四時失序陰陽有愆伏其國
民度月暈天高五重以上期三日有急雨無雨則

其國有兵殃

陳卓叙占曰熒惑逆犯天高邊將有匿謀一曰以兵
叛主太白逆犯天高其國尚武若經天犯之人君
以兵亡國祚

客星犯天高

天文別錄曰客星犯天高外夷入寇中國邊民受禍
一曰違為亂

河圖遺書曰客星守天高五十日不下色白長及丈
餘者天下有變一曰有國兵內亂

彗孛犯天高

天文別錄曰彗星犯天高外夷入寇以通天子一日
中國片君

太魯旁通曰星孛天高中天子愛兵一日天子尚
兵以至亡國又曰天下革政

流星犯天高

天文別錄曰流星抵觸天高夷狄起造孽亦曰邊將
有匿謀

古今星釋曰流星出天高外寇入塞一日邊民受殃
霧氣犯天高

天文別錄曰黑氣入天高邊將有叛謀一日邊兵爲

亂黃氣入天高則喪狄入貢赤氣入天高峰火有
急一曰有急兵

乾象通鑑卷第九十